

二十四史九通政典類要合編金目錄

卷二百二十七 金一

帝系

帝號歷年

皇太后皇后 元妃附

皇太子皇子

謹按金史本紀首詳世紀終列

追尊在諸史中爲創體及恭讀

欽定續通志所輯金紀據大金國志宏簡錄諸書更多

糾正至皇太子皇子一門見於

欽定續通考者亦較本史爲簡當故輯金代帝系以

欽定二通爲主惟揆諸他史體例則不能無小變云

卷二百二十八 金一

禮上 吉

郊祀

北郊

朝日夕月

祭社稷

祭山川

祭告

祈禱

高禩

七祀

宣聖廟

武成王廟

宗廟

后妃廟

禘祫

以上吉禮

卷二百二十九 金三

禮下賓 嘉 軍 凶

朝儀

卽位儀

受尊號

元旦聖誕上壽

朝參常朝

肆赦臣下拜赦詔

皇太子生日正旦受賀

皇太子與百官相見

巡狩

天子加元服

冊

皇太后

冊皇后

冊皇太子

冊妃嬪以上
實禮

三恪

外國使人見儀

曲宴儀

朝辭儀

新定夏使儀以上
嘉禮

講武

出征祭告

合朔伐鼓

田獵以上
軍禮

國恤

山陵以上
凶禮

卷二百三十

金四

樂

樂制

樂律

樂縣

郊祀樂章

方邱樂章

宗廟樂章

卷二百三十一

金五

職官

總敘

三師

三公

尙書省

六部

都元帥府

樞密院

太宗正

府

御史臺

宣撫司

勸農使司

司農司

三司

國史院

翰林

學士院

審官院

太常寺

殿前都點檢司

宣徽院諸屬司

祕書監司

天臺

國子監及諸學教授

大府監

少府監

軍器司

都水監

諫

院

大理寺

弘文院

登聞鼓院

登聞檢院

集賢院

益政院

武衛軍都指揮使司

諸邊將

統軍司

衛尉司

戶禮兵刑工部所轄諸司

三路檢察及外路牧圍倉庫諸職
太后兩宮官屬
皇后位下女職
內命婦

宮人女職
東宮官屬
親王府屬
大興府
諸京留守
諸京城官

苑提舉等職
按察司
諸總管府
諸府
諸節鎮防禦刺史縣鎮等職
諸

轉運漕鹽柴炭等職
諸明安部族及羣牧等職

卷二百三十二 金六

選舉

進士諸科
律科
經童
制舉
武舉
試學士院官
司天醫學試科

文武選
右職吏員雜選
部選
省選
入粟補官
資歷
舉薦

功酬虧永
廉察
武職考課
旌孝

學校

太學
祠祭褒贈先聖先師
郡國鄉黨之學

卷二百三十三 金七

兵

兵制
禁衛兵
郡國兵
教閱
舟師水戰
馬政

刑

刑制 徒流 配沒附 詳識 平反附 贖刑 赦宥

卷二百三十四 金八

食貨上

戶口 奴婢 官田 屯田 水利田 田賦 役法 復除

卷二百三十五 金九

食貨下

征商 權鹽 權酤 權茶 坑冶 雜征歛 權場 市易 國用

漕運 和糴常平倉 振恤 蠲貨 錢幣

卷二百三十六 金十

輿地

上京路 咸平路 東京路 北京路 西京路 中都路 南京路

河北東路 河北西路 山東東路 山東西路 太名府路 河東北路

河東南路 京兆府路 鳳翔路 鄜延路 慶原路 臨洮路

二十四史九通政典類要合編卷二百二十七

金一

帝系

帝號歷年

皇太后皇后

元妃附

皇太子皇子

謹按金史本紀首詳世紀終列追尊在諸史中爲創體及恭讀

欽定續通志所輯金

紀據大金國志宏簡錄諸書更多糾正至皇太子皇子一門見於

欽定續通志者亦

金之先出韃靼氏號勿吉勿吉古肅慎地也勿吉有七部唐初有黑水韃靼粟米韃靼其五部無聞

黑水韃靼東瀕海南接高麗五代時附屬契丹其在南者係契丹籍號熟女真其在北者不係契丹

籍號生女真生女真地有混同江長白山混同江亦名黑龍江所謂白山黑水也始祖諱哈富從高

麗來居完顏部布爾罕水之涯部眾信服之生子德帝烏嚕德帝生子安帝巴哈安帝生子獻祖綏

赫獻祖徙居海古勒水耕墾樹藝始築室有棟宇之制自此遂定居于安春水之側生子昭祖舒嚕

昭祖始立條教約束部眾及耀武於青嶺白山而勢乃浸強遼主官以特哩袞

按金史世紀載昭祖時尙未有文字不知

歲月晦朔年壽莫得而考而敘始祖乃云初從高麗來年已六十餘其敘明懿

皇子景祖烏古鼎景

祖稍役屬諸部諸部多聽命來歸遼主以爲生女真節度使稱都太師自是有官屬漸立紀綱據其

山川險要以計謀不使遼兵入境得知其道里遼主嘗欲刻印與之使係籍不從以厚貲易鄰鐵爲

甲冑兵勢大振時鄂敏水富察部特克紳特布水完顏部圖們水溫特赫部舍音水完顏部相繼來

附卒年五十四子世祖和哩布及肅宗頗拉淑穆宗額嚕溫世祖生康宗烏雅舒及太祖自世祖

肅宗穆宗康宗相繼爲節度使削平諸部康宗卒太祖嗣節度使位

續通志金太祖紀 謹按金史世紀續通志節以附太祖紀中

今恭錄欽定節本以冠首故於本史不復贅引

太祖應乾興運昭德定功仁明莊孝大聖武元皇帝諱晏本諱阿固達世祖第二子也母曰翼蘭皇后納喇氏遼道宗時有五色雲氣屢出東方司天孔致和竊謂人曰其下當生異人建非常之事咸

雍四年戊申七月一日太祖生

金史太祖紀

初遼每歲遣使市名鷹海東青于海上道出境內使者徵索無藝公私厭苦之康宗嘗以不遣阿蘇爲言稍拒其使者太祖遣宗室實古納完顏尼楚赫往索阿蘇實古納等還具言遼主驕肆廢弛之狀於是召官僚耆舊以伐遼告之使備衝要建城堡修戎器以聽命乃入見宣靖皇后告以伐遼事卽奉后率諸將出門舉觴東向以遼人荒肆不歸阿蘇并已用兵之意禱於皇天后土禱畢號令諸部達嚕噶部色爾衰來告曰聞舉兵伐遼我部誰從太祖曰與汝鄰境固當從我若畏遼人自往就之九月太祖將攻寧江州督諸路兵會於拉林水得二千五百人以遼之罪申告於天地傳檄而誓將至遼界先使宗幹督士卒夷塹旣度遇渤海軍來攻左翼眾少卻遼兵直犯中軍會耶律色實堅馬遠入前救太祖射救者斃之復射中色實宗幹與數騎陷遼軍中太祖救之免胄戰或自旁射太祖太祖還射之一矢而斃遼軍大奔相蹂踐死者過半薩哈在別路使人來賀且請稱帝太祖曰一戰而勝遂稱大號何示人淺也進軍寧江州遼統軍司以聞時遼主射鹿於慶州遣海州刺史高仙

壽應援

按遼主略不介意惟遣一刺史應援此正其致敗之由金史失載茲據續通鑑綱目補纂以戒先幾之失

赫額圖琿邀擊盡殪之十月朔克其城獲防禦使大藥師努陰縱之使招諭遼人鐵驪部來送款次

拉林城以俘獲賜將士召渤海梁福額特堦使之偽亡去招諭其鄉人曰女真渤海本同一家我興

師伐罪不濫及無辜也使完顏羅索招諭係遼籍女真師還命諸路以三百戶爲穆昆十穆昆爲明

安十一月遼都統蕭嘉哩副都統託卜嘉將步騎十萬按珠赫店之役金史載十一月遼都統蕭嘉

月發契丹奚軍三千中京禁兵及上豪二千別選諸路合萬餘人命都統蕭嘉哩副都統託卜嘉將

之與金史異續通鑑綱目載十一月發契丹奚軍二千中京禁兵七千以蕭嗣先爲都統託卜嘉副

分四路悉爲女真攻陷又與諸書互異而據續通鑑綱目尤足見輕敵致敗之失會於鴨子河北太

祖自將擊之大軍繼進遂登岸甲士三千七百至者纔三之一俄與敵遇于珠赫店會大風起塵埃

蔽天乘風勢擊之遼兵潰逐至沃梭樂殺獲首虜及車馬甲兵不可勝計遼人嘗言女真兵若滿萬

則不可敵至是始滿萬云是月烏奇邁薩哈希卜蘇率官屬諸將勸進願以新歲元日恭上尊號太

祖不許阿里罕普嘉努宗翰等進曰今大功已建若不稱號無以繫天下心太祖曰吾將思之續通志金

收國元年恭讀御製金韻詩題金太祖云白山黑水本靈區勿古七部原同俗東方雲氣生異人

告女真滿萬不可敵至是其言驗如卜建國稱帝遂號金敗遼達嚕窮追逐一百廿年帝業開天相

抑亦由人勛按金太祖初生時即有五色雲氣之瑞固由天相然英義廟略算無遺策知人善任人

樂爲用故遼宋之事雖成于天會間而規模實自此始誠如聖諭所定也謹錄于此春正月壬申朔羣臣奉上尊號是日卽皇帝位帝曰遼

以兵鐵爲號取其堅也兵鐵雖堅終亦變壞惟金不變壞金之色白於是國號大金色尙白改元收

國丙子帝自將攻黃龍府九月遂克黃龍府

續通志金太祖紀

二年十二月庚申朔詔明年改元天輔

續通志金太祖紀

天輔元年按大金國志云太祖在位六年以天輔元年爲稱帝之始考宏簡錄載太祖珠赫店戰勝

後于次年開國建元收國與金史同續通志綱目亦于宋政和五年書女真完顏阿古達稱帝國號金建元收國則大金國志明係脫誤而天

輔實改元之始非稱帝之始也續通志金太祖紀

二年春二月癸丑朔遣使耶律努格等來議和

金史太祖紀續通志金太祖紀同

四年春三月甲辰帝以遼人和議無成惟飾虛辭以後緩師之計乃議進討辛酉詔咸州路都統司

以兵會于渾河遼實訥塔以國書來夏四月乙未帝自將伐遼以遼使實訥塔宋使趙良嗣等從行

五月甲辰次渾河西使宗雄先趨上京遣降者馬乙持詔諭城中上京拒守帝謂實訥塔趙良嗣等

曰汝可觀我用兵以下去就帝親臨城督將士諸軍鼓譟而進自旦及已棟摩以麾下先登克其外

城留守托卜嘉以城降趙良嗣等奉觴爲壽稱萬歲

續通志金太祖紀

六年夏六月戊子朔帝親征遼發自上京烏奇邁監國十二月帝伐燕京庚寅遼統軍都監高陸等

來送款帝至燕京入自南門使尼楚赫羅索陳于城上帝乃次於城南遼知樞密院左企弓虞仲文

樞密使曹勇義副使張彥忠參知政事康公弼僉書劉彥宗奉表降辛卯遼百官詣軍門叩頭請罪

詔一切釋之王辰帝御德勝殿羣臣稱賀

續通志金太祖紀

七年秋八月戊申帝崩于布圖樂西行宮

宋史作五月

年五十六九月癸丑梓宮至上京諡曰武元皇帝

加諡應乾興運昭德定功睿神莊孝仁明大聖武元皇帝廟號太祖陵曰睿陵

續通志金太祖紀

太祖英謨獻略豁達大度知人善任人樂爲用世祖陰有取遼之志是以兄弟相授傳及康宗遂及

太祖臨終以太祖屬穆宗其素志蓋如是也初定東京卽除去遼法減省租稅用本國制度遼主播

越宋納歲幣以幽薊武朔等州與宋而置南京于平州宋人終不能守燕代卒之遼主見獲宋主被

執雖功成于天會間而規摹運爲實自此始金有天下百十有九年太祖數年之間算無遺策兵無

留行底定大業傳之子孫嗚呼雄哉

金史太祖紀贊語

改元二

收國

天輔

太宗體元應運世德昭功哲惠仁聖文烈皇帝諱晟本諱烏奇邁世祖第四子母曰翼簡皇后納喇

氏太祖母弟也遼太康元年乙卯歲生初爲穆宗養子收國元年七月爲安班貝勒太祖四出征伐

常居守

金史太宗紀

天輔七年八月戊申太祖崩九月乙卯葬太祖于宮城西古倫貝勒昊鄒王昂宗峻宗幹率宗親百

官請正帝位不許固請亦不許宗幹率諸弟以楮袍被體眞璽懷中丙辰卽皇帝位己未告祀天地

丙寅大赦改天輔七年爲天會元年

金史太宗紀續通志金太宗紀同

謹按續通志注云恭讓

南征徽欽就拘繫高宗稱姪慙不覺其勢頗可成一統未乘時實失商榷武功旣昭修以文勸農議

禮並制樂傳位熙宗繼太祖大公量更人難學按金太宗朝以舍音宗幹知國政以宗翰宗望總戎

事武功文德克成經國規模而傳位熙宗使太祖世嗣不失正緒可謂行其所難誠如聖製所謂大公難學也

天會三年春二月壬戌羅索獲遼主秋八月癸卯幹魯以遼主至京師甲辰告于太祖廟丙午遼主

延禧入見降封海濱王冬十月甲辰詔諸將伐宋

金史太宗紀續通志金太宗紀同

四年春正月戊辰宗弼取湯陰大吳攻下濬州達呼布取黎陽己巳諸軍渡河庚午取滑州宗望使

吳孝民等入汴問宋取首謀平山叛人張覺及帥臣童貫等宋太上皇帝出奔癸酉諸軍圍汴甲戌

宋使李悅來謝罪且請修好宗望許之戊寅宋增歲幣以康王構少宰張邦昌為質誓書稱姪大宋

皇帝伯大金皇帝癸未諸軍解圍二月丁酉朔宋將姚平仲以兵四十萬夜襲宗望營敗之己亥復

進師圍汴宋使宇文虛中以書來許割太原中山河間三鎮地改以肅王樞為質遣康王構歸師還

秋八月庚子詔左副元帥宗翰右副元帥宗望伐宋諸將分道出師所至以城降閏月丙辰克汴城

辛酉宋主桓出居青城十二月癸亥宋主桓降是日歸于汴城

續通志金太宗紀

五年春三月丁酉立宋少宰張邦昌為大楚皇帝夏四月宗翰宗望以宋二帝歸五月庚寅朔宋康

王構即位于歸德宋主以張邦昌為太保久之賜死

按宋史康王即位以張邦昌為太保詔稱知幾達變動在社稷久之以李綱言其僭逆賜死潭

州恭讀通鑑輯覽御批宋高宗于張邦昌非惟不較其僭逆之蹟且陰德其擁戴之功其終從寬

放特因李綱執持大義知公論所在不得已而行之此真推見隱微萬古不易之論也金史于康王

即位下卽云宋殺張邦昌于事理殊未清

續通志金太宗紀

十三年春正月丙午朔日有食之己巳帝崩于明德宮年六十一諡曰文烈皇帝陵曰恭陵

續通志金太宗

同紀

天輔草創未遑禮樂之事太宗以斜也宗幹知國政以宗翰宗望總戎事既滅遼舉宋即議禮制度治思明時繼以武功述以文事經國規摹至是始定在位十三年宮室苑囿無所增益末聽大臣計傳位熙宗使太祖世嗣不失正緒可謂行其所甚難矣

太宗紀贊語

改元一

天會元年即十三天輔七年

熙宗宏基續武莊靖孝成皇帝諱亶本諱哈喇太祖孫景宣皇帝子母富察氏天輔三年己亥歲生

金史熙宗紀

天會十年四月庚午詔定爲儲嗣十三年正月己巳太宗崩庚午即皇帝位二月乙巳追諡太祖后唐古氏曰聖穆皇后費摩氏曰光懿皇后辛酉改葬太祖於和陵三月庚辰諡大行皇帝曰文烈廟號太宗乙酉葬太宗於和陵秋九月壬申追尊皇考豐王爲景宣皇帝廟號徽宗皇妣富察氏爲惠昭皇后戊寅尊太祖后赫舍哩氏太宗后唐古氏皆爲太皇太后

續通志金熙宗紀

天會十四年秋八月丙辰追尊九代祖以下曰皇帝皇后始祖曰景元皇帝廟號始祖后曰明懿皇后德帝曰德皇帝后曰思皇后安帝曰安皇帝后曰節皇后獻祖曰定昭皇帝廟號獻祖后曰恭靖皇后昭祖曰成襄皇帝廟號昭祖后圖克坦氏曰威順皇后景祖曰惠桓皇帝廟號景祖后唐古氏曰昭肅皇后世祖曰聖肅皇帝廟號世祖后納喇氏曰翼簡皇后肅宗曰穆憲皇帝廟號肅宗后富

察氏曰靖宣皇后穆宗曰章順孝平皇帝廟號穆宗后烏庫哩氏曰貞惠皇后康宗曰獻敏恭簡皇

帝廟號康宗后唐古氏曰敬僖皇后按金史熙宗天會十四年追尊九代帝后而未載諡號以已見於世紀及后妃傳也茲既刪去世紀而后妃傳又始自太祖聖

穆皇后故補載九代諡號於此續通志金熙宗紀

十五年冬十二月癸未詔改明年為天眷元年續通志金熙宗紀

皇統元年春正月庚戌羣臣上尊號初御袞冕謝太廟大赦改元續通志金熙宗紀

五年冬十月辛卯增諡太祖十二月戊申增諡始祖以下十帝及太宗徽宗續通志金熙宗紀

九年冬十二月丁巳平章政事亮與駙馬唐古辯寢殿實達爾大興國護衛十人長呼圖額呼楚克

等作亂帝崩年三十一亮降帝為東昏王大定初追諡曰武靈皇帝廟號熙宗陵曰思陵續通志金熙宗紀

熙宗之時四方無事敬禮宗室大臣委以國政其繼體守文之治有足觀者末年酗酒妄殺人懷危

懼所謂前有讒而不見後有賊而不知馴致其禍非一朝一夕故也熙宗紀贊語

帝初即位仍稱天會年號至十五年十二月始詔改明年為天眷續通志考帝系考

改元二天眷 皇統 九

廢帝海陵庶人亮字元功本取都古嚕訥遼王宗幹次子也母大氏天輔六年壬寅歲生金史海陵紀

熙宗嘗以事杖唐古辯及秉德二人懷怨望乃與大理卿烏達同謀廢立令烏達以所謀告亮十二

月丁巳布薩呼圖額呼楚克當夜直與國取符鑰啟門納亮及秉德辯烏達圖克坦貞李老僧等入

至寢殿遂弒熙宗秉德等奉海陵坐

按金史於此云秉德等未有所屬考上文辨與亮問答既有公豈有意及舍我其誰之語則其意久屬於亮且至熙宗寢殿之時亮身與俱是固顯爲首謀何云秉德等未有所屬乃俟呼圖決議也前羅拜稱萬歲詐以熙宗欲

後未免矛盾引簡錄直載秉德等奉亮坐羅拜稱萬歲深合情實今改輯

議立后召大臣遂殺曹國王宗敏左丞相宗賢大赦改元爲天德元年乙亥追諡皇考太師憲古弘

道文昭武烈章孝睿明皇帝廟號德宗

續通志金海陵紀

天德四年春正月羣臣請立皇太子從之二月丁卯立子光英爲皇太子

續通志金海陵紀

貞元元年春三月乙卯以遷都詔中外改元

續通志金海陵紀

正隆元年春正月己酉羣臣奉上尊號二月癸酉朔改元

續通志金海陵紀

六年秋九月帝自將三十二總管兵伐宋

按金史載海陵自將三十二總管伐宋而大金國志載有細軍五千人爲親軍未載三十二總管至海陵軍中遇弒

據金史云完顏元宜等逆謀而大金國志作耶律勸農彼此互異

十一月帝駐軍江北遣武平總管阿林渡江至南岸失利帝還和

州遂進兵揚州甲午會舟師於瓜洲渡期以明日渡江乙未折西兵馬都統制完顏元宜等反帝遇

弒崩年四十大定二年降封爲海陵郡王諡曰煬後降爲海陵庶人

續通志金海陵紀

海陵智足以拒諫言足以飾非欲爲君則弒其君欲伐國則弒其母欲奪人之妻則使之殺其夫三

綱絕矣何暇他論至於屠滅宗族翦刈忠良婦姑姊妹盡入嬪御方以三十二總管之兵圖一天下

卒之戾氣感召身由惡終使天下後世稱無道主以海陵爲首可不戒哉可不戒哉

海陵紀贊語

改元三

天德

貞元

正隆

天德元年即皇統九年

世宗光天興運文德武功聖明仁孝皇帝諱雍本諱烏祿太祖孫睿宗子也母曰貞懿皇后李氏天

輔七年癸卯歲生於上京金史世宗紀

皇統初封葛王愿授東京留守進封趙王正隆二年例降封鄭國公進封韓國三年再任留守徙封

曹國六年十月丙午官屬諸軍勸進帝固讓良久於是親告於太祖廟遷御宣政殿即皇帝位恭讓御

製全韻詩題金世宗云勸進協人心即符天命吉以久典外郡民艱故所悉分疆息兵戈休養籌勸恤戒奢崇以儉去文歸於質其最可稱者毋忘舊為棘詭祇一代然萬世胥應述按金自太祖以來用兵無寧歲及海陵無道國內騷然賴世宗之賢勤求治理遂致乂安而南北通好兩國之民並受其福至其不忘國俗屢以祖宗為訓實堪為萬世法聖製所稱真令金世宗之賢百世下猶可想見也謹錄之

丁未大赦改元大定十一月甲申追尊皇考幽王為皇帝諡簡肅廟號睿宗皇妣富察氏曰欽慈皇后李氏曰貞懿皇后羣臣上尊號乙酉追復東昏王帝號諡武靈廟號開宗續通志金世宗紀

大定七年春正月壬子帝服袞冕御大安殿受尊號冊寶禮續通志金世宗紀

二十九年春正月壬辰朔帝大漸不能視朝癸巳帝崩於福安殿年六十七廟號世宗陵曰興陵續通志

志金世宗紀

世宗之立雖由勸進然天命人心之所歸雖古聖賢之君亦不能辭也蓋自太祖以來海內用兵寧歲無幾重以海陵無道賦役繁興盜賊滿野兵甲並起萬姓盼盼國內騷然老無留養之丁幼無顧復之愛顛危愁困待盡朝夕世宗久典外郡明禍亂之故知吏治之得失即位五載而南北講好與民休息於是躬節儉崇孝弟信賞罰重農桑慎守令之選嚴廉察之責卻任得敬分國之請拒趙位

寵郡縣之獻琴琴爲治夜以繼日可謂得爲君之道矣當此之時羣臣守職上下相安家給人足倉廩有餘刑部歲斷死罪或十七人或二十人號稱小堯舜此其效驗也然舉賢之急求言之切不絕于訓辭而羣臣偷安苟祿不能將順其美以底大順惜哉世宗紀贊語

改元一 大定二年 大定元年即十九 正隆六年

章宗憲天光運仁文義武神聖英孝皇帝諱璟小字瑪達格顯宗嫡子也母孝懿皇后圖克坦氏大定八年世宗幸金蓮川秋七月丙戌次冰井上生金史章宗紀

初封金源郡王大定二十五年六月顯宗崩十二月進封原王判大興府事二十六年四月詔賜名璟尋拜尙書右丞相十一月詔立爲皇太孫世宗諭之曰建立在朕保守在汝宜盡忠孝無失眾望

二十八年十二月世宗不豫詔攝政二十九年正月癸巳世宗崩太孫卽皇帝位於柩前恭讀御通金章宗云乃祖嘉習國語爲孫宜守舊物服御漸染華風疎忌那闊呼拂付託卻喜柔弱馴致金源道詘惜哉大定規模直使章宗衰訖按章宗卽位以後一切政教未嘗不知治體雖典章文物稍有可觀而誅戮諸王傳授非人至於祖宗諸戎肆武之舊棄之如遺遂使元兵啟釁二月癸亥追尊莫之能支 聖製謂爲孫宜守舊物大哉 王言誠萬世治道之本也謹錄識之

皇考爲皇帝尊母爲皇太后續通志金章宗紀

明昌元年春正月丙辰朔改元不受朝賀續通志金章宗紀

承安元年冬十一月戊戌大赦改元續通志金章宗紀

五年十二月癸未朔詔改明年爲泰和元年續通志金章宗紀

泰和八年十一月乙卯帝不豫丙辰崩於福安殿年四十一廟號章宗陵曰道陵

續通志金章宗紀

章宗在位二十年承世宗治平日久宇內小康乃正禮樂修刑法定官制典章文物粲然成一代治規又數問羣臣漢宣綜核名實唐代考課之法蓋欲跨遼宋而比跡於漢唐亦可謂有志於治者矣然婢寵擅朝冢嗣未立疏忌宗室而傳授非人向之所謂維持鞏固於久遠者徒爲文具而不得爲後世子孫一日之用金源氏從此衰矣昔楊雄氏有云秦之有司負秦之法度秦之法度負聖人之法度蓋有以夫

章宗紀贊語

改元三

明昌 承安 泰和

衛紹王諱永濟小字興勝更諱允濟章宗時避顯宗諱詔改允爲永世宗第七子母曰元妃李氏封

辭王進封滕王轉刑部尙書殿前都點檢章宗卽位進封潞王判安武軍節度使進封韓王又改封

衛王

金史衛紹王紀

章宗旣無繼嗣而諸叔兄弟在者又不欲立之惟欲立衛王章宗崩平章政事完顏匡等傳遺詔立

衛王衛王承詔舉哀卽皇帝位於柩前

續通志金衛紹王紀

大安元年春正月壬戌改元大赦

續通志金衛紹王紀

崇慶元年春正月朔改元

續通志金衛紹王紀

至寧元年夏五月改元秋八月呼沙呼以兵入宮自稱監國都元帥癸巳逼帝出宮以素車載至故

即以武衛軍二百人錮守之圖克坦鑑聞難作還第已而勸呼沙呼立昇王

按圖克坦鑑聞難作還第已而勸立昇王金史

以爲忠考呼沙呼以聞鑑言乃弑衛紹王於故邸迎立昇王茲據續通鑑綱目稱書至於圖克坦鑑身爲宰執願以委蛇自免恭讀通鑑輯覽御批謂其不能討賊又不能盡節徒以定計策立不得謂爲忠臣眞大公至正之言呼沙呼使宦者李思中弑帝於邸降封東海郡侯宣宗貞祐四年追復春秋褒貶之義也謹錄識之

衛王諡曰紹

續通志金衛紹王紀

衛紹王政亂於內兵敗於外其滅亡已有徵矣身弑國蹙記注亡失南遷後不復紀載皇朝中統三年翰林學士承旨王鶚有志論著求大安崇慶事不可得采摭當時詔令故金部令史賈祥年八十九耳目聰明能記憶舊事從之得二十餘條司天提點張正之寫災異十六條張承旨家于本載舊事五條金禮部尙書楊雲翼日錄四十條陳老日錄三十條藏在史館條件雖多重復者三之二惟所載李妃完顏匡定策獨吉千家奴兵敗紇石烈執中作難及日食星變地震氛祲不相背蓋今校其重出刪其繁雜章宗實錄詳其前事宣宗實錄詳其後事又於金掌奏目女宮大明居士王氏所紀得資明天人援聖事附著于篇亦可以存其梗槩云爾

金史衛紹王紀贊

改元三

大安

崇慶

至寧

宣宗繼天興統述道勤仁英武聖孝皇帝諱珣本名烏達布顯宗長子母曰昭華劉氏大定三年癸

未歲生

金史宣宗紀

初生時世宗養於宮中賜今名章宗時改賜名從嘉始封邢王進封昇王至寧元年八月衛紹王被